

Улуус хаһыатын 65 сылын көрсө

ЭН, МИН, БИНИГИ

Юбилейдар кэлэлэр, ааһаллар, үлэ-хамнаска, олох-то суолларын, сабыдыалларын хааллараллар. Биир он-нук юбилейынан бу дьыл алтынны 5 күнүгэр «Энсиэ-ли» хаһыат 65 сааһын туолуута буолар. Мизэхэ, үлэтин ыстааһын анарын оройуоннар хаһыаттарыгар анаа-быт кинизэхэ, кэрэ-бэлиэ даатанан, бырааһынныгынан буолуоҕа.

1935 сыллаахха типография кырааскатын сытынан аңылыа сылдыар бэйэ хаһыата нэһилиэн-нэҕэ тийиитэ хайдахтаах сонун буолбутун сэрэйиэххэ сөп. 1967 сыллаахха телевизионнай биэрий-лэри ыал аайы бастаан көрүү ум-нуллубат түгэн этэ буолбаат. Ити-лэр иккиэн культурнай олоххо дьонуннаах революциялар этилэр.

Коммунистическай партия уонна большевистскай бэчээти төрүттээчи В. И. Ленин хаһыат коллективнай агитатор уонна про-пагандист буоларын таһынан — коллективнай тэрийээччи диэн үөрэтэллэрэ. Бэчээтинэй органна ити быһаччы сорул буолан тийэ-рэ. Биһиги хаһыаппытыттан бу көрдөбүл эмиз ирдэнниллэрэ. Партия баарын тухары салайтар-быт принцибэ ити этэ.

«Колхоз сирдьитэ», «Ленин су-ола» бастакы сылларыгар, «Энси-эли» партийнай соруудагы толору-уга күүһү түмэн үлэлээбиттэрэ. Суруллубат суоруллубат диэн өс хоһоону баар. Син ол курдук, хаһы-ат хайдах үлэлээбитин кини 65 сыллаах подшивкатыттан көрөн, ким баһарар бэйэтэ хайдах саныы-рынан сыаналыан сөп.

Мин хаһыат 1963 — 78 сыллар-даагы үлэтигэр олобуран, бэйэм са-нааларбын этэргэ холонобуон. Нам уонна Уус-Алдан оройуоннарын холбоон, Средненеленский производ-ственной колхознай-совхознай управ-ление диэни тэрийбиттэрэ. Управ-ление парткомун уонна райсо-

вет органнарын быһыытынан «Ле-нин суола» диэн ааттаах хаһыат бастакы нүөмэрэ 1963 сылтан тах-сар буолбута. Оччолорго редактор эбээһинэһин Уус-Алдан кырдыаҕас журналына, Петр Петрович Аммо-сов толорбута. Ити сайын кини уурайан дойдулаабыта. Редакто-рынан Ленинградтаагы үрдүкү партийнай оскуоланы бүтөрбүт Павел Павлович Никитин ананан кэлбитэ. Партия обкома Никитини күһүн республикага үлэҕэ ылбыта. Редакторунан опыттаах журна-лист Петр Сычиков бигэргэтилли-битэ.

1963 сыллаах сэттиннэ 20 күнүттэн мин хаһыат редакторын солбуйааччыта буолбутум. Никитинниин биир да күн үлэлээбэтэ-бүм. Сычиковтыын 1965 сыллаах тохсунньуга диэри салайсыбытым.

Икки оройуону хааччыйар ха-һыат 3200 экзemplярга тийэр ти-ражтамыта. Уус-Алдан өттүттэн элбэх сурук, информация кириэрэ. Бороҕонно олорон Федор Василь-ев литературнай сотрудниктаабы-та, Евстафий Федоров олохтоох радиоҕа корреспондентнаабыт. Түргэнник үөрэнэн, үлэ күөстүү оргуйбута. Намна уонна Бо-роҕонно корреспондентнаар оскуо-лаларын үлэлэппиһит. Сурук от-дельн Парасковья Бестинова эр-чимнээхтик үлэлэспитэ.

1965 сыл саҕаланыытыттан оройуоннар араарыллан, урукку чөлөрүгэр түспүттэрэ. Ол эрэри 1 Маайга диэри «Ленин суола»

икки оройуон хаһыатын быһыыты-нан тахса турбута. Ити эрэ кэннит-тэн партия Намнаагы райкомун, райсовет органнара буолбута.

Ол саҕана хаһыат партийнай, профсоюзнай, комсомольскай олохтору, советскай тутууну, эконо-миканы, социалистическай куо-талаһыны бастайааннайдык, утумнаахтык, диригиник сырдатара ирдэнниллэрэ. Биһиги, редакция айар үлэһиттэрэ, штаты таһынан корреспондентнаар, бу көрдөбүлү толорууга күүспүт кыайарынан, биһилибит тийэринэн үлэли са-таабыппыт. Тохтуу, сыһыны туһу-нан боппуруос ханна да турбатаҕа, ким да сэмэҕэ-сунхаҕа тардыллы-батаҕа. Отчуоттарбытыгар, семи-нардарбытыгар, сүбэ мунуахтар-бытыгар кыттар дьоннор саамай таптаан ааһар хаһыаппытынан «Ленин суола» буолар диэн санаа-ларын этэллэрэ.

Уус-Алдантан арахсыы кэн-ниттэн хаһыат тахсар ахсаанын элбэтиигэ үгүс көпсөһи барара. 1800 кэнниттэн суругу ордук уус-тугураа. Үөһээни тэрииттэлэрбит 2000 экзemplяры модьуйаллар. Бу үлэҕэ «Союзпечать» отделениетын үлэһиттэрэ Т. М. Горбунова, М. П. Ядрихинская, Н. М. Сысолятина улахан өнөкөөхтөрүн бэлиэти-бин. Партия райкомун пропаган-даҕа уонна агитацияга отдела бол-жомто киинигэр тутара. Кэлин 2000 экзemplяры холкутук толорор бу-олбуппут. Аны үөһээнилэрбит «ку-маагы тийбэт, итинтэн элбэти-

мэн» дииллэрэ. Редакция респуб-лика бюджетиттан толору үбүлэ-нэрэ. Онон билигин курдук уус-туктары, ыарахаттары (харчы боппуруоһугар) көрсүбэтэхпит.

Редакция ааҕааччылар көмөлөрүгэр тирэҕирэрэ. Нэһили-эк аайы корреспондентскай поста-ры тэрийэрбит. Ол түмүгэр П. Вла-димиров, В. Неустроев, Д. Никола-ев (Үөдэйтэн), В. Кривошапкин, С. Петров, Е. Гаврильева (1 Хомуста-ахтан), М. Иванов (Партизантан), Е. Протопопов (Никольскайтан), К. Иванов, Д. Данилов, Николай, Гри-горий Кокоревтар (Хамаҕаттан), С. Попов, Н. Тихонов (Аппа-ныттан), В. Константинов (Бөгүнтэн), П. Протопопов, Х. Аки-мова (Модуттан), П. Наумов, М. Охлопкова (Хатырыктан), П. Дья-конов, Л. Жирков (Көбөкөнтөн), Е. Софронов (Арбынтан), К. Протопо-пов (П. Хомустаахтан), П. Колесов (Салбантан), И. Хачиров, П. Око-нешников, П. Сивцев, Т. Замятин, М. Ядрихинская, Г. Алексеев уо. д. а. (Нам селотуттан) ордук элбэх ыс-татылалары бэчээттэппиттэрэ.

«Ленин суола» тахсыытын ба-стакы сылларыгар редакция шта-тыгар сылдьан Е. Сивцева, У. Че-репанова, З. Павлова, Е. Дьяконов, К. Макарова сэмэй кылааттарын кил-лэрибиттэрэ. Уһуннук үлэлээбит та-баарыстарбар В. Еремеевкэ, И. Его-ровка, П. Бестиноваҕа, В. Романо-ваҕа, В. Абрамоваҕа, М. Федороваҕа, А. Гоголевка, Н. Дьяконова, И. Павловка, Е. Васильеваҕа, Е. Соло-вьеваҕа, И. Осиповка, быстах кэмнэ үлэлээн сылдыбыт М. Замятинаҕа махтал-баһыыба этиэм этэ. Биһи-ги редакциябытыгар үлэлээбит-тэртэн А. Дьяконов, В. Никифоро-ва, С. Овчинников атын хаһыаттар-га үлэлииргэ өрө таһаарыллыбытара.

Редакцияга поэт Николай Ры-кунов үлэҕэ кириитэ улахан ору-олламыта. Кэлин Терентий Ха-лыев үлэҕэ ылыллан, хаһыат үлэ-тигэр биллэр-көстөр хаачыстыбаннай уларыйылары киллэрибэтэ.

Хаһыат үлэтин туһунан ахтар-га оройуоннай типографияны ум-нар сатамнат. Бу дьордус, ол гынан баран иллээх, таһаарылыах үлэ-лээх коллектив оройуон хаһыатын талан, таҕан, бэчээттэн таһаары-ыга быһаарар оруоллааҕа. Үлэни А. Егоров, К. Лебедев, Н. Колпашни-ков сатабыллаахтык тэрийэллэрэ.

Мин редактордаабыт сыллар-бар сибээс оройуоннаагы уездын кытта ыкса сибээстээх үлэлээби-пит. Почта үлэһиттэрэ суругууну

ыгытталара, почтальоннара хаһыа-ты ааҕааччыларга көмүгэр тир-дэллэрэ. Кинилэргэ махтал-баһы-ыба.

Ханнык баһарар бырааһынны-гы, юбилейы үлэҕэ бэлэхтээх, бы-наарылла илик боппуруостары быһааран көрсүһүү үгэһигэр иитиллибит дьон биһиги бэйэбит иннигэр чопчу сорукурдаах буо-ларбыт наада дии саныыбын.

Редакция салалтата хаһыат тахсар ахсаанын улаатыннарарга утумнаахтык үлэлэһэр. Онтон ре-дакция бюджета быһаччы туту-луктаах. Харчы суох буолла да үлэ суох буолар кутталлаах. Онон хас биридди общественнай тэрииттэни, бэчээт активистарын хаһыакка су-ругууну элбэтэргэ көмөлөһөллөрүгэр ынгырыам этэ. Тираж улаатыта хааччахтаммат.

Редакция баайа — ааҕааччы-лартан кириэр суруктар уонна ин-формациялар. Олох бары эйгэтин хабан сырдатар хаһыат ордук ааҕыллымтыа. Дьэ ол иһин эдэр корреспондентнары, уһун сыллар-га салгыбакка суруйар активиста-ры көмөүтүн өссө күүһүрдүн диэн көрдөһөбүн. Ааҕыллымтыа буолуу тираж эбиллтигэр тийдэр су-оллартан биридэстэринэн буола-рын эмиз болломтоҕо ылыабын.

Сайын — бары хаһыаттарга са-май уустук, ыарахан кэм. Кини барыта от үлэтигэр, оҕуруот, бур-дук үүнэриитигэр, кыстыкка бэ-лэмэнигэр күүһүн түмэр. Соророр суруксуттуурдааҕар ааһар да боку-ой суох буолар. Ону ол димизэбин. Редакцияга элбэх, интэриһинэй информацияларда киллэрэ ту-руоҕун. Сайынны биир күн дьылы аһатар. Ол күннэри кизгик сыр-датан, хаһыат тэрийэр оруолун күүһүрдэргэ көмөлөһөбүн.

Редакция штатыгар үлэли сылдыбыт табаарыстар ахтыыла-рын, суруктарын, этиилэрин бэчээ-ттэтэллэрэ буоллар интэриһи тардыах этилэр. 1935 — 62 сыла-ры мин билбэппин. Ол иһин ити кэмнэ биир да этиини киллэрбэ-тим. 1978 сылтан кэнникитин су-руйары эмиз ыарыҕатабын. Бу көтүтүүнү көнөрөргө атыттар көмөлөһүөхтэрэ диэн күүтэбин.

А. КСЕНОФОНТОВ,
«Ленин суола» хаһыат
1965 — 78 сыллардаагы
редактора,
РФ Журналистарын сойуу
чилиэни

